

العصوت مدحوق



شعر
احمد فرج السوداني

الصوت مدحوق

شعر

احمد فرج السوداني



ورا ابتسامك
جواك شئ حزين
مداري الم السنين
يا ما رسمك
لكن بظلمة ليل
اسهر معاك
نحكي في المواويل
وارسم جوا قلبي
لك صورة
طلعت جوه جبي
ووسط القلب محفوره
بنادي اسمك
وجوه رسمك
تناديني قرب جيبى



التوزيع في السودان

2019



ranyhmtwlyblat@gmail.com

002-01061635162

002-01156655890

الصوت مخنوق!..!

أشعار بالعامية المصرية

أحمد فرج السوداني

الصوت مخنوق ..
أحمد فرج السوداني



رقم الإيداع: 2023-16484
التسجيل الدولي: 3-6830-94-977-978
تصميم الغلاف للفنانة / منى شومان

إن الآراء الواردة في هذا المصنف لا تعبر بالضرورة عن آراء
وتوجهات الناشر وإنما تعبر عن رأي المؤلف فقط.

يمنح نشر أو نسخ أو ترجمة هذا المصنف أو جزء منه بأي وسيلة
تصويرية أو إلكترونية أو ميكانيكية بما فيها التسجيل
الفونوغرافي و التسجيل على أشرطة أو أقراص مضغوطة أو أي
وسيلة نشر أخرى بما فيها المعلومات واسترجاعها بدون إذن
كتابي من المؤلف طبقاً لقانون حماية الملكية الفكرية رقم 82
لسنة 2002 والقوانين المماثلة لها.

الإهداء

لى .. كل من يحوى الكلمة الطيبة

لى .. متذقي الشعر

لى ... روح أبي وأمي

لى أصدقائي الأوفياء والشعراء وجميع الأصدقاء

محمد فرج السوواني

صباح الخير

صباح الفل يا قلبي
صباح الفل للغالين
صباح الفل من غلبي
بقولها لناس عايشين
صباح الفل يا عمري
صباح الفل والياسمين
صباح بقوله من قلبي
يطمني علي الحلوين
اتاري السن عدي وفات
ولا قلت صباح الخير
صباح الفل يا بلادي
في نسمة هوا عايشين
بنصبح علي بكر اوع الماضي
والناس الشقيانين


جرح السنين وشقي عمري
بيقولك صباح الخير
حنين ايامي بلون امي
بيقولوا صباح الخير



بين المساء والصباح

بين المساء والصباح
قاعد وحداني
اقول جه اقول راح
لكن صوته
في وداني
أناجي رب السما
واقول آه ياني
ايه العمل يا حبيبي
فايتني وحداني
لا بتبعك سلام
ولا جواب منك جاني
مبأتشني عارف
انا مظلوم ولا انا جاني
عملت ايه في دنيتي

تبقى انت دعوتي
وتخلي ألامك وجعاني
يا اللي دقات قلبك مدوباني
ارحم قلب عاش لك
بكل الاماني
يتمني رضاك وتقسي
ويرجعك تاني



قصور الوهم

في حبك بنيت قصور الوهم
فيها اشجار طرحت ثمار الهم
حب دايب من غير حبايب
يسلم قلبي اللي جايب
وحايب يقدم كل يوم ورده
والسعد والحب ليكي مخده
اشد فجر الامل اجيبهولك
سرك في قلبي صاينهولك
لكن طلعتي سراااب
ومن غير حساب
حبيت دنيتك
بسمتك رسمتك

وظلع الامل كداب
كله سراب في سراب
بعد ما نسيت معاك العذاب
رجع تاني ودق الباب



إوعي ترق لحاله

إوعي في يوم ترق لحاله
ولا تقول عليه مظلوم
ياما كنت اتمني وصاله
قال أنا سابق النجوم
جاي دلوقتي بتبكي
وعن حبي بتحكي
ومن ظلم الناس بتشكي
عمر ما حد حيسمع
لك يوم
فين لما كنت مع
النجوم
عمر ما فكرت فينا
يوم
انا وانت والزمان
مكتوب

فينا الغالب والمغلوب
لا حب في الحياه بيدوم
ولام الاحزان محروم
اصل الحياه يوم ويوم
دايما يا ابني صلي وصوم



بلدي يا ام الخير

بين مرارة الخوف من المجهول

يطلع رئيسك يقول

بعد ربك انا المسؤول

ما تخافشي من بكره

لما تكون الحكومه واعيه

ولشعبها راعيه

واحنا شفنا الخير والحصاد

ذهب اصفر في كل مكان

بيعت لنا بشاره خير

كلنا فتحنا البيبان


امل بكره جاي والخير وياه

كتير بنتعب ونستناه

حنوفر عمله صعبه بنشتري بيها

تعود بالخير علي الشعب مستنيها

جميله يا بلدي يا ام الخير
سابقه عصرك في التنميه والتعمير
قوم يا مصري شق ارضك
فجر بكره بينادي عليك
لقمه من فأسك
قرارك من راسك
ولا حد يضحك عليك




افتكرت ..

افتكرت معاك كل شئ جميل
افتكرت السهر والنجوم والليل
نسيت معاك العذاب والويل
وعزفنا سوا كل لحن جميل
وغنينا سوا اجمل المواويل
لحن حبك دفئ الحياه والوريد
اسمك دائما اقول فيه واعيد
بهمس قلبك اجدد المواعيد
لحن حبك شئ اساسي
انت اهلي والدنيا وناسي
اكون سعيد لما اشوفك فرحان
واقفل على حبك كل البيان
سلام من حبيب ولهان

ابتسامتك ..

ورا ابتسامتك
جواك شئ حزين
مداري الم السنين
يا ما رسمتك
لكن بظلمة ليل
اسهر معاك
نحكي في المواويل
وارسم جوا قلبي
لك صوره
طلعت جوه حبي
ووسط القلب محفوره
بنادي اسمك
وجوه رسمك
تناديني قرب حبيبي

بعذك علي عيني
دقات قلبك بتحيني
ابتسامتك تنور
سواد ليلي
وتهديني وتشفيني
وتبعث ضي في عيني



زيارة الرسول

لما الزمان بيدور

تلقني علينا النور

دار الزمان بينا

شوفنا النور بعنينا

نور ليالينا

شق ظلام الليل

نسانا حزن وويل

فتحناله ايدينا

للكعبة ودينا

وللنبي رسينا

نسهر ليالينا

ننسي الحزن يوم

تصبر كل مظلوم

وتقسي ع الظالم
نسهر مع النجوم
ونعبد القيوم
ونوحد الدائم



الألم ...

كتب القلم ع الورق

طلع الكلام مخروم

حبر القلم جف

م الظلم والمظلوم

داب الورق وانقطع

م الهم والمهموم

قالوا الامل في الولد

قلت حيفرحنا يوم


لاقيت بنفرح يوم

وباقى الشهر كله هموم

النظره يا رب لنا بالذات

احنا اصحاب المعاشات

نحبها يمين نحبها شمال
فارقه أوي المساقات
يا رب الحل عندك
تدبرها يا خالق السموات



دار الزمان بينا

توهنا وتاهت خطاوينا

لا عرفنا ايامنا

ولا حتى ليالينا

الحلم داب فينا

نعشق ندوب

الحلم طال بينا

نرسم خطوط الزمن

نعشق اغانينا

نعيش ايام حلمنا

طول عمرنا

ولا حد يقسي علينا


ليه تخنقوا الحلم

اللي عاش فينا

سيبونا نفرح سوا

نزين ليالينا


نشق ظلام الليل
وضوء القمر فينا
نبني حيطان الامل
وشمس بكره
تخضر ليالينا



ليه يا حبيبي؟

اخرتها ايه يا حبيبي
مش بتقول نصيبي
ليه تزود لهيبي
استتيناهم وبرضو لامونا
وعاهدناهم وبرضو خانونا
بعدين معاهم يا حبيبي
ايدي مشتاقه للمسمة ايديك
وعمري ما انسي نظرة عنيك
دايما يا حبي بفكر فيك
عايش جوايا
مش ناسياك
هجرك بان عليه
حبيبي انت ليه


ولا جتني منك كلمه
تطمني عليك
وبعدين معاهم يا حبيبي
ارحم قلب حن ليك
انت عارف باشتاق اليك
مشتاقلبسة عنيك
وقلبي كلهليك
ودمع عيني بيسال عليك
اروح وقابلك واخاف عليك
يا مسهرني وروحي فيك
كل شويه بسال عليك
ارحم عذابي حرام عليك



ذكرتك يا رسول الله

ذكرتك يا رسول الله
فهزني الشوق اليك
ذكرتك يا رسول الله
فزاد الحنين اليك
وتعطر المكان باسمك
يا محمد فصليت عليك
اقف على اعتابكم
اريد النظر اليك
يا مدينة رسول الله
جودي بالحنين
فيكي خير البشر
الصادق الامين
حبيب قلبي طه
نزل عليه جبريل


وقاله اقرا وعلم العارفين
وتكون لامتك شافع وضمين
صل عليك الله يا علم الهدي
يا امام المتقين



البطل الشهيد

ما تخافيش يا بلدي
انا واقف زنهار
زي الشمس زي النار
واحارب كل غدار
بقتل بنار وبارود
كل اللي يخطي الحدود
دايما اصابتي في الراس
خمسه من غير احساس
كل اللي يفكر يا ديننا
ندفنه في وادينا
البطل الشهيد
عزمه حديد يسلم
الراس والايدي


في الجنه حبيب الملاين
اسمك وصورتك ملو العين
كنت عارف رايح فين
سلامتك يا ضي العين



تاه الطريق

تاه الطريق بينا
بالحب سهرنا ليالينا
حاسس بنبض القلب
وما ميل علينا
اول لقاء لينا
تاھت خطاونا
بعد العرض
ركبنا بخارية لينا
همست قلوبنا بامانينا
وسط الهوا
كوبري مبارك يعدينا
بسرعه وصلنا المجمع
نزل سلم علينا

سرق قلبي
ونفسه يطمن علينا
السين سلامة حكاوينا
العين علامة حبه في عنينا
الالف الفه ومحبه مورينا
الداال دليلي احترار فينا



صبح الصباح

صبح الصباح بيكلمني عنك

مفكر اني ناسيك

قالي علي احلي صفه فيك

غمازات تحت عنيك

لا عمري ما نسيتهك يوم

فاكر ايام السهر والنجوم

كلمني عنك دق قلبي بزياده

كنت بحسبها عاده

مجرد ذكر اسمك

يدق القلب طوالي

ينادي حبيب الروح

هات الامل تعالالي

انده بصوت مسموع
زينت الليالي بالشموع
امته وصالك يا غالي



عبير ...

روحتي يا بنتي يا غاليه علينا

روحتي يا بنتي يا ضي علينا

روحتي يا عبير وسبتينا

عليكي يا عبير بلدنا حزينه

في الجنه نشوفك

ونكتب بالنور حروفك

اما الجاني دا شيء تاني

اخو ابليس ويا الشيطان


فرق بينكم والجيران

من فعلك انا حيران

طبعاً داخل النيران

ليك بنات ويا صبيان

تشوفه في اغلي ما عندك
عشان نطفي النيران
ملعون الي يوم الدين
سببت في حزن سنين
مش حتموت موته سويه
اكيد حتقطعك عربيه
يا اللي بتاذي خدت ايه
دعا الناس وغضب الرب
شويه عليه



الصوت مخنوق


لما يكون الصوت مخنوق
جواك من غير ما اتفوق
احلامك في السما عاليه
زي النجوم عاليه
هو الحلم ايه
غير لقمة عيش
تتقوت بيها وتعيش
علي رصيف الشقى
بايت انا احكي
من فعلك انا اشكي
ام ليينا كلنا
ادناكي عمرنا
ليه باعده عننا
طب احنا عملنا ايه
مفرقه بينا ليه

احنا نفديكي بدمنا
ليه سارقه حلمنا
مع ان حلمي بسيط
اكافح فيكي واعيش
لو انام ع الرصيف
واكمل عشايا رغبف
افضل حياتي نضيف
ومش حقول
غيري نايم ع الحرير
وانا المنى الحصير
المهم راحة البال
في الايام دي شيء محال
ربك خلقها طبقات
لا تقول مين عاش
ولا مين مات

هل الهلال ..

هل الهلال
والانوار مجديه
والنور علينا بان
اجمل هديه
العشر الاوائل
بالخير جايه
العمل فيها مضاعف
حسناته سخيّه
اصلها م الكريم للبشريه
هل الهلال والنور علينا بان
صيام وصلاة وقراءة قران
ونعمل خير ونوحد الرحمن
تلقى الحياة صافيه
والحب ماليها

وطاعة ربنا واجبه
والخير فيها
اصل العيد لمة الاحباب
والاهل والصحاب
والخير للناس الطيبين
الغلاية الشقيانين
كل سنه وانتم طيبين




كلمتين ..

حقولك يا ابني كلمتين
عند طلوع الروح
سورة ياسين
قالوا بتجيب ملايكه
للغسل ولدخول القبر
شاهدين للحساب مخفين
يدعولي بالرحمة قولوا امين
الدين المادي مش عليه لحد
اما المعنوي كلكوا مسامحين
في الجامع عليا مصلين
براحة عليا في الخشبه
وانتوا ماشين
ادفني في حزن ابوك
كان عليا امين

اخذ حسه معايا
اهو ونس في قبري
احنا كنا مصليين
ولكتاب الله تاليين
ولزكاه مؤديين
وادينا الحج لرب العالمين
او عي يا واد تنزل دمعتين
بعد الدفن الفاتحه
واقعد معايا لو دقتين
وبعدها تفضلوا ماشيين
او عي يواد تبخل بالزياره
واللا تقول اروح لمين
انا امك والناس عارفين
انت ابن بطني
طول عمرنا شقيانين


همه كلمتين قولهم لآخواتك
ابقوا دائما لنا زائرين
دائما بالرحمه لنا داعيين
ولد صالح وصدقه جاريه
زي ما قال رسولنا الامين



العيد ...

العيد ولمة الصحاب
هلّيت يا عيد ولاحد غاب
مجمع الاهل والاصحاب
مسلم مسيحي اخوه احباب
ايد واحده في الخير
لنجدة الضعيف
ومساعدة الغير
من قلبي بقول
كل عام وانتم بخير
بنعيد عليكم وتعيدوا علينا
الخير في ايديكم وايدينا
مصر بلدنا غاليه علينا
نبنيتها سوا
ونفديها بروحنا واهالينا

شرفتونا ونورتونا
يا احبابنا غالين علينا
جامع وكنيسه الاتنين واحد
دور عبادة وربنا شاهد
علي حبنا وحبكم لينا
دامت افراحنا وليالينا
بوجودكم يا اعز ما لينا




تهنئة الاخوة الاقباط لنا في عيد الاضحى وعلي راسهم الانبيا اسطفانوس
والدكتور حسام الشتيحي والسادة النواب وكبار رجال بلدتنا الغاليه

ثورة يونيو ...

ثورة يونيو في الثلاثين
ثورة جت بعد الحرمان
سطر وسجل قول يا زمان
لا كهربا ولا انايب
ثوره كانت كالبركان
ولا عيش ولا بنزين
ثورة يونيو في الثلاثين
ثوره قويه ثوره عفيه
وكلنا عارفين
ثوره كانت للتغير
ثوره كانت للتطهير

حيرنا العالم كله في سطور
وكشفنا وعرفنا المستور
اللي خان واللي باع
واللي طلع من غير متاع
واللي شال روحه علي ايديه
عشان بلده غاليه عليه
قال لازم ابنيها واعليها
وانشا كباري وشوارع فيها
وازرع واخضر اراضيها
وانشأ مدن فيها
حالف لازم ابنيها
حالف لازم ابنيها
ثورة يونيو في الثلاثين

ونجدد البيعه كمان
للامن والامان
ونكمل المشوار
بمصانع للتصدير
ادخلوها امنين
تعيشي يا بلدي
يا ام المصريين



دايبين في هواك

دايبين في هواك سنين

دوبنا الشوق والحنين

ننام نللم ما نعرف

احنا مين

عاشين بالحب

نسانا الم السنين

رسمتك ع الورق


قلب وسهم عارف

رايح فين

يفرح القلب الحزين

اللي دوبه الانين


برتاح في حضنك
واتوه مع التايهين
حبيبي النهارده وبكره
واسلمك الروح والعين



حبيبي زعلان!!

حبيبي زعلان له يومين
فاكر انه نمره اتنين
انت عندي اغلي
من نن العين
رب العباد شاهد
عندي نمره واحد
زعلك يعز علينا
اصلك حته منينا
بس الظروف والسن
والقلب لما يحن
بيقرب المسافات
انده عليك تعالالي
انت البعيد انت القريب
انت الغالي


اصلك منوفي اصيل
والقلب معاك يميل
دوقت معاك طعم الحنيه
ارحم عذابي شويه
يا مدوبني في هواك
انا بتمني رضاك



الدنيا ساقيه

لما تبقي الدنيا ساقيه
مش عارف تدور فيها
لفيت شرقها وغربها
وحواريها
لاجل لقمة عيش شريفه
فيها
متغمسه بالكرامه اجمل
ما فيها
لقينا المرطه والذل ما
ليها
فيها المرار ووجع القلب
الاهانه فيها
ليه مش عارفين نعيش
فيها

فيها الخير كثير مش
واصل
طبقه عاليه شافطه اللي
حاصل
الفقير بيموت وكان امله
عيشه مرتاحه
وضحكه صباحه
طالبين نرتاح بعد عذاب
السنين
والشغل والمعاش
حيكفي مين
منهم لله الظالمين




حبيب الروح

اكتب يا قلم واحكي
علي الفرحة اللي انا فيها
السعاده والحب ماليها
ماليش حبايب بعدها
انت النفس للروح بيحيها
عشقتك من غير ما اشوفك
احييت الروح والامل فيها
همساتك دقات قلبك
الحب مسيطر عليها
لما تغيب عني تغيب الحياه
بكل معانيها
ماليش حبيب غيرها
يا رب خليها

احببتك يا...

انت نبع الغرام
زاد الشوق والهيام
لو سألتني
قلبك بكام
مش ملكي
اتحكم فيه
اخذته اللي تصونه
وبالغالي تشتريه
قلبي ملك ...
ربة الصون والهيام
مزه ولا كل المزز
عليها خدود
تنسيك السهر
ولا العيون غزلان


الوجه رباني
يا خراشي منك
ياني
حلفتك بالغالي
اوعي يوم تنساني



جميلة الجميلات

مليون تحيه
لمكالمة كانت من ساعات
احيت القلب بعد الممات
حبك مليون شوق وحنين
نساني الم السنين
عوضني عن كل الغالين
تبادلنا الحديث وما اجمله
جميلة الجميلات
رجعنا العمر من اوله
انت الامل يا حبيبي
اللي بيحيني
والله يا حبيبي
بعذك علي عيني
ماليش طبيب بعذك
يداويني


كوكي يا توءم القمر
علمتيني السهر
نفسى اعيش وياك
فى حزنك فى هناك
انفاسى اختلطت بانفاسك
اسقيني من رحيق كاسك
حبيبي الى اللقاء



عودي ..

عودي مش قصدي اجرحك
كان كل منايا افرحك
القلب داب من الغياب
ولا حبايب ولا اصحاب
لفيت مش لاقى زيك متاع
يا ام العيون وساع
والحب ماليهم
ماليش غير عيونك
بحور اعيش فيهم
اجدف بمجداف الحب
ورموشك فرش
وغطا ليهم


كلامك منور القلب
وقوامك غزال
يترجم معانيهم
انت القمر احلي ما فيهم



حبيب الروح

اول ما شفقتك
قلبي دق ليك
وقلت عارفك
وجريت عليك
فارس احلامي
رائد منامي
عمري كله ليك
مدووني بابتسامه
والله ما علينا ملامه
نحب ونتوه في الحب
عقلي وروحي هوه
ونن العين من جوه


يا مسهرني والروح وياك
لحد امته قاعد بستناك
اتوه واتوه الدنيا
لو عدي يوم
من غير رؤياك



الكهربا قاطعه

الليل طويل
علي الغلابه الحرائين
لا كهربا ولا مروحة
ولا تكييف
وتقولي صيف
صيف فيه بنتشوي
وفي السرير بنتلوي
ليل طويل حر
وكهربا قاطعه
والعيشه مش نافع
الحر دا بايدينا
التلوث وادخنة مصانع
قفلت علينا


لازم نخضر الكون
ساعتها الحر يهون
صرفوا المليارات
علي تطوير الشبكات
والنهارده ذي اللي فات
ليه قاطعه باليوم
والساعات
حسوا بالاطفال
وكبار السن
مفيش في قلوبكوا
رحمه تحن



متالشي العمر فات

متالشي العمر عدي
متالشي العمر فات
حاسس بنبض قلبك
خايف عليك م السكات
ياما عشنا الآهات
اعمل كام حجه
لأجل اشوفك
لأجل اقابلك
اسمع حروفك
دايما الاقايك مشغول
يا قاعد بينا عزول
حن بلقاء وحدينا
نشرب قهوتنا
وتسلم علينا

نفرح نعتشق امانينا
تدوب كل
معاني الحب فينا
نعيش نسهر ليالينا
نعيش كام يوم فاضلين
نبعد عن الناي الحزين
اللي عشناه سنين



بين المغرب والعشا

بين المغرب والعشا
سهرنا سهرة كويسا
القهوة شربناها
وحكاوي قلناها
وحسيت بلمسة ايديه
ونبض قلبي
بيغير عليه
والشوق مالي عنيه
اوقات عشناها
ما تتحسب م العمر
خطاوي مشيناها
ندوس بها ع المر
بلمسك يا حبيبي
زادت دقات القلب


احساسى بيه عالى
هو الحبيب الغالى
سمعته كلمات الحب
سمعني كلمات الغلب
اتاريه م المسؤليه مهموم
وشايل كل الهموم
طمنته ربك موجود
وكرمه ماله حدود



انا المصري

او عاك تقول انت مين
انا ابن مصر عرفاه السنين
انا الاهرام ابن الطين
نفسى اكون زرعه في ارضك
طوبه في بنايه علي نيلك
اكون امل بكره ابني مجدك
اندهي يا غاليه وانا اجيلك
صاين عهدك حافظ ودك
ولو ع الشوك اعديلك
قالوا ثوره ورا ثوره
قالوا المصري يعيش حر
آه وال ف آه
وقولت اه بتجر
جبتي بطل اصيل
نسانا طعم المر

شال روحه علي كفه
قال مفيش عدو حيمر
بني الجيش وخضر صحرا
صان الحد حمي العرض
قال اللي يقربلها
اشيله من فوق الارض



عتاب ..

من كلمه تتغير وتنسي
الحب والاشواق وتقسي
ولما ننسي ازاي سفينة حبنا
حتعوم وترسي
يا حبيبي مش كلام الناس يا قلبي
اللي حيغيرنا لا
احنا بينا شوق ولهفه
وحب ابقى من الحياه
مستحيل انسي ابتسامه
ولا كلمه حلوه قلتها ياما
مستحيل لو جينا ننسي
يبقي ننسي عمرنا
ننسي روحنا ويوم ما بوحنا
بحب فرح قلبنا

الرب دا قءر مءءوب
لا ليه رالب ولا مغلوب
ءبببب بلاش عءاب علي اللب فاء
ءلاص بقب ماضب وءءرباء
ءءرب ملبانه عءاب وءنبب
فبها فرء و وءع السنبب
كل ما اءصء فبكب ءءرب
بفرء القلب الءربب



سلام يا روعي

لما قلت سلام يا روعي

قلت كمان سلام يا عين

قلت يا نفسي بوعي

بحبك ابو حلمين

انت الدوا لجروعي

وانت النور للعين

بالعطر فوعي


اشم عطرك لو غاب سنين

اصلك الماضي وبكره

والحب والانين

او عي تقول سلام لمين


سلام لكل حب صادق
مليان بالشوق والحنين
ولا تغيره السنين
يا حبيبي انت النفس
والضيلعين



الوجع ..

لما يكون الوجع ماليك
ومنه تتالم
ومن كثر الوجع
مش قادر تتكلم
تقول وتحكي لمين
الكل بيتالم
مفيش راجل جدع
للو وجع حيسلم
الكل صابر وفي السفينه
بيأدف
صارت البلاوي كوم
بتتحدف
يا نغرق سوا يا نعيش
غير الصبر ما فيش

خلي جرحك مداري
لا ينشروه الناس
وانته مش داري
لملم جراحك وخيبتها
توب علي ادك
الكل بعد بعد ماكان
طالب ودك
او عي جرحك يشوفه
غيرك
ينسحب البساط منك
ويروح لغيرك



المحتويات

- الإهداء..... ٥
- صباح الخير..... ٧
- بين المساء والصباح..... ٩
- قصور الوهم..... ١١
- إوعي ترق لحاله..... ١٣
- بلدي يا ام الخير..... ١٥
- افتكرت..... ١٧
- ابتسامتك..... ١٨
- زيارة الرسول..... ٢٠
- الألم..... ٢٢
- دار الزمان بينا..... ٢٤
- ليه يا حبيبي؟..... ٢٦
- ذكرتك يا رسول الله..... ٢٨
- البطل الشهيد..... ٣٠

- ٣٢ تاه الطريق
- ٣٤ صباح الصباح
- ٣٦ عبير
- ٣٨ الصوت مخنوق
- ٤٠ هل الهلال
- ٤٢ كلمتين
- ٤٥ العيد
- ٤٧ ثورة يونيو
- ٥٠ دايبين في هواك
- ٥٢ حبيبي زعلان!!
- ٥٤ الدنيا ساقيه
- ٥٦ حبيب الروح
- ٥٧ احبتك يا
- ٥٩ جميلة الجميلات
- ٦١ عودي
- ٦٣ حبيب الروح

- ٦٥الكهربا قاطعه
- ٦٧متألشي العمر فات
- ٦٩بين المغرب والعشا
- ٧١انا المصري
- ٧٣ عتاب
- ٧٥سلام يا روعي
- ٧٧الوجع

